

咏荷

■李绍彬

龙湖荷韵

我家有池万亩潭，陈风楚韵笼晴烟。
菡萏妍姿摇绿浪，丽人笙歌动漪涟。
花弄云影绕画舫，风送荷香满客船。
身出泥滓雅且洁，教人如何不爱莲！

龙湖赏荷

烟波茫茫碧连天，荷花婷婷正惹眼。
北堤结彩南堤鼓，西边舞狮东边船。
清风逐浪水湿袖，曲桥卧波人狂欢。
龙湖徜徉心已醉，愿效蛙蛄莲下眠。

■庞黎明

赏荷

秀色满塘关不住，高节虚谷仍如故。
诗花奔放寄痴情，醉入丛间人更酷。

■李培玉

龙湖赏荷

友人邀我赴宛丘，万顷龙湖荡画舟。
出阁婵娟香十里，凌波楚女豁千眸。
泠泠月扇承仙露，熠熠莲灯缀玉楼。
蛙鼓漫敲迷鲤影，诗囊满载水云讴。

■朱俊杰

观荷

人间六月色缤纷，唯有玉荷最动人。
仙子凌波盈笑脸，蜻蜓吻蕊挚情深。

■王仙荣

雨荷

连绵淫雨奈如何，翠盖珠盈亮点多。
客醉湖亭风细细，瑶池仙子正凌波。

■田兴才

咏荷花

翠盖亭亭映日开，凌波仙子踏歌来。
风翻绿袂香初散，露滴红腮韵自裁。
泥滓不沾清静骨，烟霞长养妙高才。
一从周子评章后，万古清名仰圣胎。

■丁燕

荷花

碧叶凌波细雨柔，亭亭玉立面含羞。
污泥不染传千载，浊水无侵胜一筹。
翠盖轻摇珠露闪，红妆漫舞暗香幽。
怡馨明洁陶然客，富有诗情雅韵留。

■赵卫锋

雨荷

雨丝倾洒落荷塘，绿叶轻摇蛙鼓扬。
万点水珠如玉滚，千花娇艳满池香。



出水芙蓉 杜欣 摄

■邹长春

咏荷

一脉清涟不染尘，风摇翠盖露垂银。
天生傲骨难谐俗，纵在淤泥也自珍。

■宋杰

咏荷

羲都云水濯仙韵，万顷陈风曳古裳。
独抱冰心燃赤焰，九州荷史第一章。

■吴保东

画荷

菡萏尖尖云水阔，蜻蜓点点晓风轻。
楮君晕墨真无色，一抹辉光画里行。

■陈法俊

咏荷

池塘六月碧荷娇，出水芙蓉胜玉雕。
好是丹青神笔画，身临尽览乐逍遥。

■王坤宇

咏荷

风翻翠盖舞青裳，影落明波泛碧光。
菡萏初分惊绝艳，涟漪未了送清香。
生泥不染孤根曲，映日旋添五色妆。
欲折新枝怜远韵，诗成一梦到横塘。

■戴俊贤

咏荷

亭亭玉立映朝阳，风吻红颜碧叶狂。
根蒂若非淤滓染，哪来出水满身香？

■姜玉海

咏荷

身隐污泥不自哀，乐居南海笑莲台。
清风送尔香溢远，游客吟歌妙句来。

■阎汝山

雨韵荷情

雨后荷湖碧水清，露华倒影自分明。
游船短棹芙蓉艳，戏水鸳鸯蝶羽轻。
蒹葭香蒲藏翡翠，丹葩玉女献真情。
归来席上一壶酒，作赋吟诗乐友朋。

■吴敬

咏荷

污泥君不染，千载誉流芳。
雨后池塘碧，清风递暗香。

■李雪梅

临江仙·初秋荷韵

半落半开莲好处，初生初熟莲蓬。
一池神韵画图中。荷风香细细，翠

影意重重。

自古人生犹忌满，何妨幽境枯容。
从来知足乐无穷。夕阳无限好，任凭水长东！

■赵芳秋

残荷吟

霜打秋荷身半干，叶衰茎断色失嫣。
寒逼雨虐心无惧，雪冻冰封志更坚。
铁骨挺拔形未改，枯颜峻耸体没弯。
疾风自信知芳草，待等来年四月天。

■于丛洋

雨中赏荷

方塘漫步觅清幽，风亦多情雨亦柔。
碧伞擎珠拂柳岸，红荷盈露待兰舟。
丝丝雅韵人偏爱，袅袅馨香客唱酬。
鱼戏莲间花更俏，丹青妙笔赞不休。

■张治国

清平乐·咏荷

波光潋滟，云蔚芙蓉染。扑面清
香霞色艳，红炬盈湖谁点。
古城雨霁新晴，烟堤柳舞凉生。
船过浪浮荷荡，鹭翔扇起诗情。

诗情画意 词曲雅对